

## Nā Hanana o ka Mokuna 4



**Hanana 4.1: He Lau Ali'i****ʻŌlelo Mua:**


Makemake ʻo Koa he ʻahu hou me kāna lau pono'i. Ma kēia hanana, e ʻike nō i ka hoʻonui ʻana i kāna ki'i li'iili'i no ka ho'owehi ʻana i kona ʻahu.

**Nā Pono Hana:**

1. Peni kuni
2. Lula
3. ʻEke pepa māku'e (no kahi moena)
4. Leki


**Hana:**

Makemake ʻo Koa e pākolu ka nui o kāna lau (ma lalo) a pa'i ma luna o kāna moena. E no'ono'o ʻoe no ka hoʻonui ʻana i kāna lau a pākolu ka nui ma luna o kona ʻahu.




ʻA'ole maopopo iā Koa kāna hana e hana nei no laila, ʻimi ʻo ia i kona ʻanakē i kōkua. He loea ʻo ʻAnakē Lani ma kēia ʻano hana, no laila kipa ʻo Koa iā ia a nānā ʻo Koa i ko ʻAnake Lani hoʻonui ʻana i kekahi ki'i (he hale) ma luna o kāna moena.


1. Koho 'o 'Anakē Lani i nā wahi ko'iko'i ma ke kūkohu, 'o ia nā kīhi'aki. Kaha 'o ia i mau kiko ma luna o ia mau wahi ko'iko'i (nā kīhi'aki).




2. Ho'ohana 'o 'Anakē Lani i ke kaula no ke kaha 'ana i mau laina mai ke kumu ('o ke kū'ono o lalo ma ka hema) ma o nā wahi ko'iko'i 1.



3. Ho'one'e 'o 'Anakē Lani i nā wahi mai ka 'anu'u 1 ma nā aina mai ka 'anu'u 2 me ka maka'ala pono no ka pololei. *E nānā pono i ka hō'olālani'ia o nā kiko ma ka papakū a me ka papamoe.*



4. 'Oiai, a maopopo 'o 'Anakē Lani i ka hopena o nā wahi kūikawā, ma'alahi ka ho'opa'a i ke koena.



E ho'opili i ka hana ā 'Anakē Lani ma ka ho'onui 'ana i kā Koa lau ma luna o ka 'ahu. E 'oki i nā 'eke pepa māku'e i lawa ka papa no ke kaha ki'i 'ana a leki a lawa no ka 'ahu. E kau i ka lōkō ma ka hema o ka 'ahu 'eke pepa a e ho'onui. E ho'ā'o e pākolū ka nui ma ke kumu.

**Hanana 4.2: Ka Waiata Poi****ʻŌlelo Mua:**


Ma Aotearoa, hana ka po'e Maori i kahi hana no'eau i kapa 'ia 'o Poi. He hula nani 'o Poi me kekahi kinipōpō ma kekahi kaula. Ho'ohana pū 'ia ka 'āpana lā'au i kekahi manawa.

**Nā Pono Hana:**

1. Kaula mānoanoa (he lopi huluhulu paha)
2. 'Ūpā
3. 'Ūmi'i pepa
4. Ka pepa hakahaka he nui a i 'ole he nūpepa
5. Leki *masking*
6. Peni kuni

**Hana:**

1. 'O ka mua, e ho'ohui i ka pōpō Poi i ke kaula. E nāki'i i hīpu'u nui a ikaika i ka 'ūmi'i pepa.
2. E ho'omaka i ka pōpō Poi ma ka nahae 'ana i ka pepa a e laulau a puni ka 'ūmi'i pepa.
3. Ke nui a'e ka pōpō Poi, hiki ke 'oi aku ka nui o nā 'āpana pepa i nahae 'ia. E ho'omau a like ka nui me 'elua pu'upu'u lima e pili pū ana.
4. Ke lawa ka nui o ka poepoe poi, e uhi me ka leki *masking*.



5. E kaha ki'i i 'elua pō'ai ma ka pōpō Poi, e like me ke ki'i 5 ma lalo nei. E hō'ōia i ka hui 'ana o nā pō'ai ma ke kaula ma ma luna, a ma ka hulina alo o ke kaula ma lalo. E ka'awale ana ka poepoe poi ma 'ehā māhele e like me ke 'oki 'ana i kekahi 'alani.

6. Me ka ho'ohana 'ana i nā pō'ai ma ke 'ano he alaka'i, e kaha ki'i i nā lau me nā peni kuni! E kaha i nā laina a me nā kinona a lilo he lau. E ho'ohana i ka translation, rotation, ke aka aniani, a me ka ho'ohui ke hiki.

